

(ԴՊՐՈՒԹ. Գ, ԳԼՈՒԽ Ե.)

1 ¹ Վասն որդւոցն Վրթանայ, որոց անուանք այս են². առաջնոյն Գրիգորիս, եւ երկրորդին³ Յուսիկ:

2 Այս Վրթանես⁴ եւ Առիստակէս⁵ որդիք էին մեծի քահանայապետին սրբոյն⁶ Գրիգորի: 3 Եւ էր Առիստակէս կուսան եւ⁷ սուրբ ի մանկութենէ. զի թեպէտ եւ կրտսեր⁸ որդի էր, կանխաւ եհաս յաթոռ հայրենի եպիսկոպոսութեան⁹: 4 Իսկ Վրթանես էր ամուսնացեալ եւ անորդի, եւ¹⁰ բազում ժամանակս ինդրէր նա յԱստուծոյ՝ զի մի՛ զրկեսցի նա¹¹ յաւրհնութենէ զաւակի, այլ ի պտղոյ նորա կացցէ առաջի նորա ի պաշտաւն Տեառն: 5 Եւ ի ծերութեան նորա լուաւ Տէր աղաւթից նորա, յղացաւ ամուսին նորա, եւ ծնաւ երկուս¹² որդիս երկուորեակս¹³, եւ կոչեաց զանուն երիցուն յանուն հաւր իւրոյ Գրիգորիս, եւ երկրորդին՝ Յուսիկ, որք մնան զառաջեաւ թագաւորին Յայոց, եւ ուսման գրոց փոյթ ի վերայ կալան ուսուցանել զնոսա: 6 Ապա երեց որդին Գրիգորիս եհաս յեպիսկոպոսութիւն կողմանցն Աղուանից եւ Վրաց¹⁴, վասն հոգեկիր առաքինի արգասեացն, բարեհասակ¹⁵, եւ զգիտութիւն Աստուծոյ յանձին կրելով: 7 Ոչ ամուսնացաւ նա¹⁶, այլ ի հնգետասանամենից եհաս յաշտիճան¹⁷ եպիսկոպոսութեան աշխարհին¹⁸ Վրաց եւ Աղուանից, այս ինքն սահմանացն Մազքթաց: 8 Երթեալ նորոգեաց անդ¹⁹ զեկեղեցիսն լուսաւոր կարգաւքն առաջնոյն Գրիգորի, հաւրն գործոց²⁰ նմանեալ:

1 Բ, Դ յաւելուն՝ Պատմութիւն. Գ, Պատմութիւն սրբոց հայրապետացն Յայոց՝ Առիստակիսի, Վրթանիսի, Յուսկանն եւ Գրիգորիսի

2 Բ անուանքն են այս. Դ չունի այս են

3 Բ չունի՝ եւ. գրէ՝ երկրորդն

4 Բ, Գ Առիստակէս եւ Վրթանես

5 Դ Առիստագես

6 Բ, Գ, Դ չունին՝ սրբոյն

7 Բ, Գ, Դ չունին՝ եւ

8 Դ կրտսեր

9 Ա չունի՝ եպիսկոպոսութեան

10 Գ չունի՝ եւ

11 Դ չունի՝ նա

12 Բ, Գ երկու

13 Դ երկուորեակս

14 Դ չունի՝ եւ Վրաց

15 Դ չունի՝ բարեհասակ

16 Բ, Գ չունին՝ նա

17 Բ, Գ յաստիճան

18 Դ չունի՝ աշխարհին

19 Բ, Գ անդ նորոգեաց. Դ երթեալ անդ լուսաւորեաց

20 Դ փոխ. հօրն գործոց՝ գրէ պապուն իւրոյ